



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitvlaria Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

XXIII. Precaria Canoniorum Viennensium in gratiam Silvij & Didanae
conjugum.

urn:nbn:de:hbz:466:1-22974

terea hoc sacratissimum non celebratur mysterium nisi in Pascha & Pentecosten, id est, in veneratione resurrectionis salvatoris & descendens super Apostolos Spiritus sancti. Et inde post lavacrum unguento linitur regio, hoc est, chrismate. Chrisma enim Græcè, unctio Latine dicitur, ex cuius nomine Christus nominatur, inde Christiani. Nam sicut ex baptismo remissio peccatorum largitur, ita per unctionem sanctificatio sancti Spiritus adhibet: quia hoc antiqua tribuit auctoritas ut de chrismate Reges & sacerdotes ungerentur ex quo Aaron à Moyse unctus est.

III. CAP. Cur catechumenus fit, & cuius lingue, & quid interpretatur.

RESP. Catechumenus Græcè, auditor Latine dicitur. Et ab hoc auditor nominatur dum de gentilitate per Dei ministrationem Verbi in corpus unitur Ecclesie. & gentilis dicitur quasi ita genitus, nec tunc illa est imbutus doctrina. Propterea in sanctæ matris Ecclesie gremio catechumenus aliter agit. Audiat ac discat antequam ad sacrum accedat fontem mystica Christianæ religionis sacramenta. Et tunc discit fidem sanctæ Trinitatis & symbolum & cetera quæ Christiani ammonet catholica lex.

IV. CAP. De scrutinio ecclesiastico, cur scrutinium fit, & quo tempore, & quid est scrutinium.

RESP. Scrutinium à scrutando dicitur, quia tunc scrutandi sunt catechumeni si rectam jam noviter fidem synboli eis traditam firmiter tenent. *Desunt hec plurima.*

XXIII.

Precaria Canonicorum Viennensium in gratiam Silvij & Didane conjugum.

An. 814.
Ex chartulario Ecclesie V. canonica.

AMabilis & diligendos nobis Silvio & conjugæ sua Didane, nos in Dei nomine congregatio sancti Mauricii Ecclesie Viennensis. Dum vestra fuit petitio, unâ & per consensu Domno & seniore nostro Barnardo vocato Archiepiscopo, nostra & ipsius decrevit voluntas ut nos vobis aliquid de rebus Ecclesie sancti Mauricii, qui ad ipsa canonica pertinent, pro beneficio nostro concedere deberemus. quod ita & fecimus. Propterea concedimus vobis res illas quas bonæ memoriæ Orsius Archiepiscopus & Aldo Presbyter germanus suus per eorum epistolas ad ipsa casa Dei sancti Mauricii vel ad ipsa canonica Clericorum visi fuerunt concedere. Propterea concedimus vobis illas res quæ sunt in pago Vellaus in loca nuncupantes in Turmaciaco & in Fiscali & in Buxarolas & in Bataliaco. Et cedimus vobis illas res quæ fuerunt de parte Aldone, quæ sunt in pago Lugdunense, in culte cui vocabulum est in Doaciaco, qui per extromenta cartarum ad ipsa casa Dei sancti Mauricii concessa fuerunt, ipsa vobis pro beneficio nostro ad usufructuario jure concedimus, id est, in ædificiis, casis, casaricis, hortis, arvis, vineis, pratis, pascuis, silvis, decimis, rivis, fontibus, arboribus pomiferis & impomiferis, aquis, aquarumve decursibus, acellisque omnibus, omnia & ex omnibus in quibus

dici aut nominare potest, ipsas suprascriptas res vobis usufructuario jure concedimus, ita ut annis singulis à parte sancti Mauricii vel ad ipsam congregationem Clericorum ad festivitatem sancti Mauricii in argentum solidos 111. dare debetis, & dum ipso censu dederitis, ipsas res in usufructuario jure, ut quicquid ibidem elaborare aut acquirere potueritis, hoc ad vestrum profectum habere & dominare debeatis absque ulla dominatione, & hæc præstaria nostra per quinquennium renovetur stipulat, pro omni firmitate. Actum Viennæ publicè. Ego Iudrannus Clericus hanc precaria ista scripti die dominico in mense Maio in anno xxxi regnante Domno nostro Karolo Imperatore in anno xli , renovans Imperator, Indictione præsentem, In Christi nomine Rotbertus Presbyter, Vvalbertus Presbyter, Martinus Subdiaconus.

Erratum heic est in numeris. Aut enim legendum est anno xli v. regnante, aut anno 11. renovans. Huc autem magis inclinat animus ut censum annum regni conjungendum esse cum anno duodecimo imperij.

XXIV.

Præceptum Ludovici pij de confirmatione privilegiorum Ecclesie Viennensis.

IN nomine Domini Dei & salvatoris nostri Iesu Christi. Hludovicus divina ordinante providentia Imperator Augustus omnibus Episcopis, Abbatibus, Ducibus, Comitibus, Vicariis, Centenariis, Actionariis, Missis nostris discurrentibus, vel cunctis fidelibus sanctæ Dei Ecclesie & nostris præsentibus scilicet & futuris, Notum sit quia si sacerdotum ac servorum Dei petitionibus, quas nobis pro suis necessitatibus innotuerint, ad effectum perducimus, non solum regiam consuetudinem exerceamus, verum etiam ad beatitudinem & retributionis mercedem talia nobis facta profutura confidimus. Proinde comperiat omnium fidelium nostrorum industria præsentium scilicet & futurorum qualiter vir venerabilis Bernardus Viennensis civitatis & sancti Mauricii martyris Ecclesie Præful veniens ad nos derulit nobis præceptiones Regum antecessorum nostrorum, in quibus invenimus insertum quomodo ipsam sedem cum cellulis vel rebus ibidem aspicientibus sub plenissima defensione & emunitatis tuitione habuissent. Petiit namque nobis pro firmitatis studio ut circa ipsum sanctum locum pro mercedis nostræ augmento denno similia concedere & confirmare deberemus. Cujus petitioni denegare nolumus, sed reddita in omnibus & præsentibus & futuri fideles sanctæ Dei Ecclesie & nostri concessum atque perpetuo confirmatum à nobis esse cognoscant. Insuper etiam placuit nobis ibidem cellulam sancti Symphoriani, olim exinde abstractam, cum omnibus rebus ibidem aspicientibus reddere. Reddimus etiam ibi quandam villam quæ vocatur Fasiana, quam volumus ad susceptionem peregrinorum & alimonia pauperum ibidem futuris proficere tempo-

An. 814.
Ex chartulario Ecclesie Viennensis.

An. 814.
Ex chartulario Archiepiscopi NARBONNENSIS.